

424 70

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA*,

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ-quintâ
mensis Martii, anno Domini M. DCC. LXX.

M. PETRO-JOSEPHO MORISOT DESLANDES,

Doctore Medico Præsides.

An vulnorum curatio quò simplicior, èd melior?

I.



ITO, tutò & jucundè maximè decantata Chirurgorum sententia; Crepat illam in operationibus suis Ars ambidextra: crepet & illam in sagaci morborum omnium externorum curatione. His tribus unicè gaudeat tota, quibus si ritè consulit, ritè procedit. Consulunt quidem peritissimi Magistri. Exulavère tot diversi generis Spicula, Lanceoli, Forcipes, Laquei: exulavère tot & Unguenta, Digestiva, Balsama, Caustica. Armamentarium ipsi suum mundavère, officinaque multò minùs sordida factaque infirmorum oculis proponitur. Simpliciter agit & agit optimè natura. Naturam ministra sequatur Ars: ab illâ nunquam vel unico obtutu deviet & exinde si simpliciter cures, citò tutò & jucundè curabit.

II.

ENIM-verò cui bono tanta in curando vulnere topicorum farrago? Vulnus est recens continui solutio: continui redintegrationem natura citius ociùs expetit & promovet. Si promoveat, absint tot incarnantia, tot cicatrifiantia medicamenta, verba sanè futilia, quasi ab ipsis reapse natura particulas renovandis accommodando fibris mutaretur! & in hoc sensu *Sancaassinianum** illud intellige: *pharmacum nihil predest in vulnorum curatione nisi ad decus politicum*. Dives opis natura suæ; quod sola gluten elaboravit, sola fibris rejuvendis atque refarciendis idoneum suppeditare valet. Opibus ergo suis ut possit opportunè placidèque potiri omnis allaboret ars. Imò & ipsa monstrante viam discet Chirurgus quòd leviori juvare debet armaturâ; patet enim illam ad rectos sanitatis tramites eodem ferè tenore semper remeare. Ad curam igitur vulnorum proprio quò simpliciore ed sanè meliorem: quod per theoriarum momenta, & per processum praxeos maximè comprobatur pro viribus conabor specialius demonstrare, 1º. quidem in vulnere simplici

* *Sancaassinianum* aforism. della cura delle ferite.

III.

SIMPLICIOR vulnorum cura ea est, quæ juvante simplicius Chirurgiâ, citius peragitur: quod ut fiat, per Phlebotomiam imprimis satagendum. Hæc enim si juxta vulnere indolem plùs minùsve celebretur, nisi præcesserit hæmorrhagiæ amplitudo & suppleverit, nimia vasculorum turgescencia, inflammatio, strangulatio, sexcenta mala avertuntur, apparatusque vulnere mox apponendus longè simplicior evadit & salubrior. Ille autem, quoad simplicem continui solutionem, si tonicam fibrillarum vim juxta vulnere labia corroboret, nimius fluidorum fluxus & subsequens majoris circûm circa tumefactionis periculum certò reprimatur, *majoris*, in-

* Auctore M. JOSEPHO-MARIA-FRANCISCO DE LASSONE, anno 1742.

quam; nam benignam imò & utilem juxta vulnus fororiari oportet, quia scilicet incisæ fibræ corrugantur elatere, spatiumque profundius occupant. Corrugatio quæ canaliculorum undas & serpentinos influxus multiplicat, difficiliorem, si idem ac in partium continuitate toni permaneret vigor, humoribus appulsus strueret: verùm tonica vasculorum vis hebes cùm sit, facilius illi penetrantur, ingurgitantur. Solum ergo topicum adhibendum, quod debiliorem acuere valeat corrugationem, appulsusque fluidorum simul temperare. Deinde vulnus ipsum fomento paululum vellitante detergendum; proindeque id solum roboris apertis canaliculorum osculis impertitur, quo gluten, ut per insensilem stillationem solidescat, indiget. Initio tamen, experientiâ teste, fomenta nimium acuta ab intimo vulnere exulent; nè arteriolarum oscula fortius contracta humores malè retardent, illi autem acore in induant, viuidius quantiantur, in pus abeant. Periculum minus, si vicinia vulneris acutiore illo fomenti genere stimuletur: nam corrugata vasculorum longitudo, deindeque magis contracta tardiorē tutioremque glutini viam dat, ut ostiola in vulnere paulò laxiùs dehiscencia leuiùs induantur & firmiùs: sensim enim & sine sensu natura repit & perficit. Jam paucissimis Chirurghi indigere patet, quæ talem operam bene subministrant, & incassum tot unguenta straticant, qui naturæ volunt imperare. Ad iuvandam suppurationem novæne praxis? Minimè: mox expositam, si velis, inverte; rectius procedes & simpliciùs. Vulnus intimum vividiorebus primo in apparatu aculeis vellicetur, confinia quæ sine paulò laxiora. Fluidum faciliùs intronitetur, difficiliùs stillabit, acrius fiet, sequetur inflammatio, nec mora pus & quidem laudabile, quod per plumaceolum fove strato unguenti, ut aiunt, digestivi levissimo indutum: & illa sit unguenti indoles, quæ paululum vivificet & lubrefaciat. Sufficit unicum, imò nullum non levioris notæ magistri admovere conclamant. Quidquid sit, dummodò rectos naturæ tramites paraveris, sibi met auxiliabitur, nec aberrabit, nisi vitium adsit fluidis intimum. Proh! quàm inopportune strata unguentorum malè pingua multiplicas! siccinè per hostilem apparatus firmiores carniū furculos placidè fororiari contendis? nonne vides per venena illa Peptica fluidis nutriendis liberiorem invitâ naturâ viam aperiri: lentorem illis placidum, qui genuinæ cohesionis fomes unicuique permittit. Sin minus aut emerget infirma & informis fungorum familia, laxior, & periturus agger: vel pus ichorosum & aquosum affluet, lotura carniū caustica. Certius natura parturit. Fœtum dat sola legitimum, non topicis malè pressa, neque turundis præcipuè collisa. Insultus harum usus quid sibi vult? Hostis naturæ insensissimus, vulneris tortor, Chirurghi malè cauri dedecus. Illas tanquam pugiones cave tu cautior? non enim labia vulneris atteres, contundes, inverte, callo indurabis! non pus in vulnere nidulans eliminari prohibebis. Si verò vulneris osculatio retardari, quod ratò sit, indiget: laxum plumaceolum arte longè minori paratum vel si mavis duplicatum fetaceum infinnu; vulneris labia amicè dehiscunt, pus liberiùs effluet; & à plumaceolis molliter superjectis imbibetur. Non majorem Chirurgo facefecer operam cicatrix. Quò lentius procedit vulnecum gluten, cò coalitioni propius, juxta innatam fluidorum humani coporis indolem. Nec illud à lentore putrefieri timendum; partibus gaudet homogeneis nec dimittere invicem paratis: itaque lentius stillando sicciùs coëat, unde pelliculam supersterne firmiorem, quâ novum ædificantis lymphæ stillicidium ultro cohibeatur, seu per collaterale canaliculorum commercium circulationis oceanum repetere cogatur. Sigillum & illud imperivum vulneri natura non ars imponit. Cùm autem per totum ferè curationis stadium vulneris margines corroboraveris, vasaque cicatricem fabricantia gluten ex indole suâ lentius advehant, naturam ferè nullo, nullo, inquam, topico indigere liquet; vias jam habet paratas, ritè ambulabit. Felix confirmata experientia simplicitatem amicam veritatis. Mox idem de vulnecum accidentibus, ut fallor, judicandum.

AB hæmorrhagiâ principium! Hæc autem si copiosius & de trunco principe prorumpat, mox sanguinis alvei, quasi per syphonem, exhaustientur: cum vivo latice profluet vitæ vis, animal occidet. Manum Chirurgia citius-ocius admoveat, idèquè modum cò tutiorem quò simpliciorè advocet. Actuale cauterium nobis displicet; quorsum enim se tortorem prodar Chirurgus, si tutius, si jucundius mederi valeat? Non deinde talem obtinebis medelam, si potentiale cauterium adhibeas: v. g. linteola liquoribus vividè stypticis imbuta, frustulum vitriolicum xilo indutum, vel aluminosum cuniculum lateri ejaculantis arteriæ infixum. Nam quid inde? 1°. cauteriorum multiplicatio: 2°. dolor acutus & diuturnior: 3°. dum linteum, quæscit vitriolum, vicinasque arteriæ partes quasi serpendo rodit & depascitur, sanguis ambiens coagulatur, corrugata vasa circum circa putrescunt: putrefactio profundior ambitum arteriæ hinc inde diruit, & si eschara decidat arteriæ, decedit & adjacens carniū eschara: mœnibus suis vas sanguinis impulsus firmius sustentibus spoliatur, & sæpè sæpitius diffringentis hæmorrhagiæ præfluvium recrudescentibus spoliatur, & sæpè sæpitius diffringentis hæmorrhagiæ præfluvium recrudescentibus spoliatur, & sæpè sæpitius diffringentis hæmorrhagiæ præfluvium recrudescentibus spoliatur. Modum ergò tutiorem aggrediamur & longè simpliciorè. Hic autem ligaturam arteriæ compello à longo tempore multò feliciter institutam: quæ si fiat, obex struitur impervius, adversus primos irruentis sanguinis impulsus. Unde sanguineum flumen sensim per laterales rivulos deflecti assuescit, placidiorque succrescit carniū agger, quò subito post escharæ casum basis arteriæ velut obruitur, resistentiaque repercutiens intenditur. Modos tamen alios omninò non abigi volumus. Utinam vulnèrum accidentia intra hæmorrhagiā consisterent! fortior enim contusio organicam carniū structuram atterit & quasi discerpit: simul contrita jacet vitæ vis: ingurgitantur humores, imbibuntur, stagnant, vitium capiunt desides, convalescentia non possunt, nec in pus converti, acorem induunt, corrodunt, vicina cūspant, gangrenoso afflantur spiritu. Porro pro tantâ fibrarum strage simpliciter & optime resarciendâ, imprimis requiritur, ut contusæ partes humore illo lutofo & obruente subleventur, unde altior contusio scarificationum ostiolis, devior medicamentis acutè res solventibus lacescenda. Rursus cum expertissimis magistris cave, ne leviorè contusionem topicis nimium acutis & penetrantibus exsiccet & arefacias, & vice versâ. Tandem vis illa medicamentorum sit in ratione contusionis, & semper ea illorum indoles, quâ sanguinis stagnans ichor dissolvatur, particulærum corrosio præpediatur, involvatur, carnes condiantur, roborentur, aculeisque benignioribus stimulentur. Sic suppurationis opus proindeque partium contusarum collapsus sensim instruitur: & emerget omninò suppuratio, si contusæ fibræ medium artis beneficio inter nimiam laxitatem & ariditatem obtineant. Laxior contusarum compages assuens liquidum inertis instar spongiæ exsugeret, neque resistentiam prætenderet, mediante quâ per arietantem in suppuratione consensientia sytoteles vim detrudi debet: sicior verò & quasi retorrida contusarum compages adhuc dum fœnitricam fibrillarum subjacentium contiguitatem fortius distraheret, dolor acutè stringeret, vasculorum elater non temperatè, non mediocriter feagens pus non conficeret gangrenâ immineret. Verbo dicam: habita gradum ratione, topica sint molliter, ut ita dicam, corroborantia. Sic indicationibus obtemperas, teque à diversis symptomatum concursu feliciter & uno tenore expedis: nec antiquorum more crudeliter, adurus, mysteriorumque inhians non per mille topica specificè condita curam affectas Dedalcæam. Cùm autem agatur in thesi de recenti vulnere, quæ chronico competunt omittenda, nec ulcèrū excurram.

OLIM in vulneribus capitis & brachii Hippocraticum quoddam modo venerabatur: illam humanæ mentis arcem non nisi grandiori Chirurgiæ apparatu & meticulousè tueri tentabant. Facem prætulit experimentum & ratio. Nisi enim fortio-rem

Pericranii contusionem symptomata testentur, quidam simplex sit vulnus, simplex curatio? Idem sanè sentiendum de vulneribus Thoracem & infimum ventrem penetrantibus; nam quid sibi volunt ii, qui stylo tanquam pugione malum sæpiùs absens frustra interrogant? novum addunt. Suum natura diverticulum per signa Chirurgico patefacit, quæ nisi proferentur, fileat & Chirurgus. Nec potiori jure ossium exfoliationem expectant & promovent, si vulnus illa nudaverit: dummodò diuturnior acris contactus & contusio simpliciorem non dimoveant curam. Non majori curandi apparatus partium tendinosarum & nervearum vulnera exposulant; iis enim vel solum terebentine oleum, vel aliud quid simile deterfivi, digestivi, cicatrificantisque vicem simul gerit, &c. Naturam tantùm sustineamus titubantem, sensum robur ex seipsa suscipiet. Si verò magno illo topicorum contextu, quo turgebant olim, quæ mysticè prædicabant, obruantur vulnera, languent naturæ vires, retardantur, deviant, fungi pullulant, erysipelas efflorescit, labia callent. Antiqui naturæ nescii totum ab arte, nos à naturâ mutuamur. Non ita tamen simplicem Chirurgiam volumus, ut mala quæ à quorundam vulnere indole promanare debent, nimium cunctando ipsa non avertat; nam vulnera per sclopetum vel per ensẽ partibus tendinosis, vel aponevroticis inflicta nisi ampliando quasi relaxaret, certò malorum ilias ab humore nidulante intus & corrodente, & à strangulante fibrarum constrictione suboriretur. Agat Chirurgus ut simplicior cura fiat, non ut implicetur. Denique in quocunque vulnere genere viam sternat ars naturæ simplicem, ad felicem curationis scopum natura citò, tutò, & jucundè perveniet.

Ergò vulnere curatio quò simplicior, eò melior.

DOMINI DOCTORES DISPUTATURI.

M. Carolus GEILLE DE SAINT LEGER, Eques, Consiliarius Medicus Regis ordinarius, Primi Ordinis & totius Equestri agminis in exercitu Medicus primarius

M. Antonius GARNIER.

M. Claudius - Franciscus GRAND-CLAS, Eques, Stanislaus primi poloniarum Regis, olim Consiliarius Medicus & Regionum Exercituum à Consiliis Medicis.

M. Bernardus - Nicolaus BERTRAND.

M. Joannes-Franciscus-Clemens MORAND, in Regiâ Invalidorum domo, coadjutor Medici renunciatus, Regiâ Medicorum Nanceianorum Collegii socius Honorarius, illius iidem quod est leodi, assessor honorarius, Regiæ scientiarum Academiæ Parisiensis, earum etiam quæ Lugduni, Rhotomagi, Londini, stokolmiæ, Mauriti, Florentiæ, Harlemi, vigent Academiarum socius.

M. stephanus - Ludovicus GEOFFROY, Regi à Consiliis & secretis & societatis Eotaniæ Florentinæ socius.

M. Jacobus-Ludovicus ALLEAUME, Militarium Nosocomiorum ad Regis Exercitum nuper Medicus.

M. Martinus NOUGUEZ, rei herbariæ professor.

M. Dionisius PAUTIER DE LA BREVILLE, s. Delphini & s Delphinæ, dum viverent Medicus primarius.

Proponebat Parisiis CAROLUS-JACOBUS-LUDOVICUS COQUEREAU DE NANCE, Parisinus, Saluberrimæ Facultatis Medicinæ Parisiensis Baccalaureus A. R. S. H. 1770, à sextâ ad meridiem.